

嘉靖武定州志

武定州志叙

嘉靖戊申武定州志竣鄉進士劉君崔君持其藁來請
曰盍梓諸余曰誌也者志也爲可徵也爲可信也爲其
可傳也三者有缺志雖竣未也勿梓可也曷已諸劉君
崔君撫然有間復請曰志之弗修久矣敝州闕典也幸
茲竣編願有以竟之余曰非也吾不樂其成也樂其成
而未也不憂其梓也憂其梓而敝也姑待諸二君俯而
退於是持其藁復入局研精殫思摘藻掇華冗者剔之
利者正之缺者補之再逾月而就編往跡未鑿章程大
備余取而訂閱之詳而覈貞而不忒詳故可徵覈故可
信貞故可傳以是而觀風考政釐弊問俗猶視諸掌也
於是二君復申前請益力迺卜日以授梓人謹叙諸簡
首曰誌也者邑之史也粵自八索九丘亡而禹貢職方
氏作周官有小史掌邦國之志是古者天下郡邑莫不
有志凡以隆治也我

明一統有志亦倣古遺意也武定密邇

京畿在古爲棣州稽諸禹貢爲兗州之域歷世以來僉爲
重地宣德中漢庶人憑其地謀不軌



聖駕親平之正德中流寇猖獗橫行東土間迺度建武衛
監以憲司不可謂不重也顧州志不傳文獻其何所賴
耶迺不自揆量與一二君子圖成之是政首之以沿革
方域正其始也次之以川澤城池別其區也次之以公
署學校端其則也次之以賦役兵防表其制也又次之
以祠祀職官選舉大其化也終之以屬縣以別聯屬之
道也其立義也嚴以精其取裁也公以正其考覈也詳
以慎綜數百里之故實新數百年之未備期可信可徵
而可傳也後有作者因畧以致詳其爲司官之助豈小
補也哉是志也始其命者兵憲樞菴王公勞其事者鄉
進士劉君繼先崔君士偉督率而樂成之者學正何宙
也謹並書之以俟後之作者採焉

嘉靖戊申秋七月庚申吉

賜進士出身奉直大夫武定州知州安福劉佃書

武定州志目例

建置沿革志第一

方域志第二

川澤志第三

城池志第四

公署志第五

學校志第六

賦役志第七

兵防志第八

祠祀志第九

職官志第十

選舉志第十一

附屬縣志

武定州志上帙

武定州知州安福吾南劉 佃 校修

儒學學正新昌琴溪何 宙 考正

鄉貢進士邑人 歐運劉繼先 同修

建置沿革志第一

武定自帝嚳時為兗州域唐虞夏商 禹貢濟河惟兗州東

今之兗州也今載稽之古少昊世乃爽鳩氏之墟厥後有

季荊氏逢伯陵氏蒲姑氏寔惟殷商之代國在陽

信縣漢於陽信置博昌縣 洎周時蒲姑與四國作亂成王

武定州志

滅之其地賜太公履東至海西至河南至穆陵北至無棣

時地乃有專名 隋唐以來置棣州 歷春秋戰國俱為齊地

秦為齊郡地始皇東巡厭氣次舍于此又名其地曰厭次

漢以來置厭 入漢為平原千乘渤海三郡地 前志曰時武

其西境為富平樂陵劫等縣地屬平原郡東南境為千乘

傳昌邑沃等縣地屬千乘郡北境為陽信重合千童等縣

今屬渤海郡或訊三郡所在曰平原即東漢和帝改千乘

郡為樂安國 州高苑縣北樂安故城在今青州博昌縣南

時又為樂安國平原渤海郡地逮曹魏建安中始置為樂



陵國武帝改領縣五曰厭次曰陽信曰新樂曰樂陵曰溼

沃晉末地歸北魏仍稱樂陵郡屬青州部領縣如晉熙平

二年分瀛冀二州為滄州又改郡屬滄州領縣四省新齊

周俱為樂陵郡按史劉宋蕭齊俱書樂陵郡事此何以不

並僑置郡縣以司牧之皆在南中特假隋廢樂陵郡徙渤

海郡治陽信開皇六年又廢渤海郡置棣州武定為州大

業二年改棣州為滄州三年復廢州置渤海郡領縣十曰

陽信帶郡曰樂陵曰溼沃曰厭次曰蒲臺曰饒安曰無棣曰

鹽山曰南皮曰清池按此渤海代樂陵也滄州易棣州也

俱治陽信非漢之渤海北魏之滄州

也皆武定治唐興改郡為州武德四年分置棣州治樂陵

之別宗也唐蓋鑿隋廢樂陵郡所轄失之偏徙渤海郡所領失之繁

故仍各復其舊然此時改郡為州北為滄州治饒安南為

棣州治樂陵自是惟以棣州八年棣州廢貞觀中分天下

為十道復置棣州于厭次縣始有定置隸河南道領厭次

州帶商河陽信蒲臺並置渤海為屬時渤海郡廢特置縣以

天寶初改棣州為樂安郡按唐樂安郡即棣州也宋金亦

并漢樂安郡乾元初復為棣州自是分授于方鎮以迄于

唐亡其先開元二十年幽州節度領棣州至上元二年棣

州隸淄青節度建中三年幽州節度復領棣州貞元

度太和二年淄青平盧節度增領棣州咸通五年太
平節度增領棣州十三年淄青平盧節度復領棣州五代
梁華溫琪為棣州刺史徙新州以避河患民賴之周顯德
三年割棣州之蒲臺渤海二縣置濱州自是棣州領縣三
厭次商河陽信宋祖分天下為路棣州隸河北東路上樂
安郡置防禦建隆二年升為團練俄為防禦領縣如周大
中祥符八年春正月戊戌詔徙棣州陽信界先時河決棣
州知天雄軍寇準請徙州至是河北都轉使李士衡又奏
徙州遂徙州西北七十里既而大水沒故城今人稱文餘
為古城華溫琪徙新州蓋自淄棣州徙于古城此又自古
城徙于今州何知之以古城至今州七十里也 崇寧元

武定州志

三

年始詔工部尚書牛保葺城事

葺一州城何以工部尚書
行蓋棣州在宋為邊鎮重

也 建炎三年沒于金金初界劉豫國號齊凡八年偽齊

亡金始據其地分屬山東東路因宋上防禦樂安郡領縣

如宋後為元將木華黎所陷地屬元元初濱棣自為一道

中統三年改置濱棣路安撫司至元二年仍分棣州隸濟

南路領縣如故至正二十八年正月 大明兵取棣州洪

武元年省厭次入棣州

元以前州置附郭
縣洪武初俱省

割滄州之樂陵

無棣來屬陽信商河如故六年以棣字犯諱改棣州為樂

安州宣德元年平漢庶人仍改為武定州言以武平定其

州也夫郡邑之有建置沿革猶人族之有譜牒也武定祖曹魏之樂陵郡宗隋之棣州舊志祇知宗棣州而不知祖樂陵郡見唐有樂安郡也反于漢之樂安暨于乘事物俱無收入豈不類郭崇韜之拜子儀墓耶既失已祖為不仁又妄認它人之祖為非孝遂令二千年間闕圖志者茫然不見原委亦誠可悲夫肆令覓其真系而正之以埃後之傳雅君子也

論曰地一而已矣其稱名畫域在右則歷世相因于後則感時屢變何哉古人公天下而無事後世紛紛故也公而無事故政簡而多因紛紛故政繁而多革是以為國為郡為路為州凡幾更變循名者莫得其原之稽責實者弗知其繇之未愼替而厯雜咸以此也

武定州志

四

皇朝鑒古析壤定制名號殊而統屬正萬年不易之規也後賢寧無鑒于茲乎

方域志第二

武定天文危宿之分野也大抵平夷闊衍廣九十里袤九十三里東抵濱州九十里東南抵滄臺百二十里南抵齊東九十里西南抵商河九十里西抵德平百二十里西北抵樂陵九十里北抵陽信四十里東北抵霑化七十里西南距濟南府二百五十里西北達京師七百里西南達南京一千一百里其舖十有五州前曰總舖趙皮莊舖張家

莊舖雷高莊舖神保堂舖聶索舖史官莊舖王判鎮舖大

李莊舖俱州南永利鎮舖蘇家莊舖州東白佛堂舖梁家

莊舖鄭家務舖州西劉家莊舖州北其鄉七編里原一百

一十四今省為九十八附郭曰在坊十五里郭外曰親仁

鄉十一里東明義鄉十五里西明義鄉十二里崇智鄉十

三里守信鄉二十里其集十南人曰上市北人曰趕集北關逢一瞻聽

樓南逢二南關逢三州衙後新街逢四東關逢五北門街

逢六喬子頭南逢七舊志云初州徙于喬氏莊居民千家樹木稠密土地突起故今俗猶呼城中十字街曰大喬子頭南十字街曰小喬子頭西門街逢八州衙東逢九東門街

武定州志

五

逢十其鎮十有六州東五十里曰永利鎮即桑落聖相傳始皇東巡駐蹕

于此桑偶落枝因名東南三十里曰麻店四十里曰陷棗州鎮其鎮乃舊

時州之西關地稍高六十里曰成官莊曰李家莊七十里曰歸仁鎮

舊設巡檢八十里曰小新城九十里曰清河鎮設巡司南三

十里曰永興鎮即第五十里曰聶索即宋史聶婦也今訛七十里曰

王判鎮舊名屬八十八里曰齊東北馬頭鎮西南三十里

曰棘成鎮疑此為陳後山四十里曰淄角鎮金史作脂角今訛為淄角

或遠以為淄水之角三十里曰西新店西二十里曰

青陽店夫方域者治之據也得其據而治可敷是故古有職方氏以辨都鄙也方氏以正封疆亟亟而不容

緩者正
以此也

論曰惟濟南所轄之州四論殷阜咸出武定之上度
地里則武定獨稱闊焉蓋武定平原四周百里相望
不可不謂幅員之雄然稽其鋪鄉市鎮率多空虛寔
乃荒落之隙未經厥地者按圖而顧之曰武定闊也
加之煩科焉是徒闊而不殷阜闊乃爲累也譬之人
身支體碩大容貌修然然其榮衛中虛碩大何恃所
謂外強中乾也苟徒跨其壤之闊不思處其中之虛
則百里之內豈不爲有司之憂矣乎

武定州志

六

川澤志第三

黃河距州城南五十里今稱土河舊志謂即徒駭河故道
從東昌減水閘來至禹城西南李家莊之將軍廟北流東
經臨邑南田家口濟陽北高橋過州聶索鎮經古城西北
陷棣州南再經濱州西霑化東入海又聶索鎮東西河腹
高于岸每淫雨河北仍不免于潦成化十年判官璩奉都
御史牟公檄疏鑿自是水患少息民賴之今又逾一甲子
淤塞如舊

宋河渠志曰黃河自昔爲中國患禹迹既湮河并爲一

特以隄防爲之限自周顯德初治隄過之太祖乾德二年遣使按行將治古隄以力役大遂止但詔民治遙隄以禦衝注之患五年詔棣州長吏兼本州河隄使尋又

置河隄判官一員淳化七年始詔罷葺遙隄自漢以來

人患惟宋治河為甚詳其所謂遙隄者今人乃誤稱秦隄或又無絲隄尤迂又曰舊制歲虞

河決嘗預調塞治之物凡伐蘆荻謂之芟伐山木榆柳

枝葉謂之梢擇寬平之所爲埽場埽之制密布芟索鋪

梢梢芟相重壓之以土雜以碎石以巨竹索橫貫其中

謂之心索卷而束之復以大芟索繫其兩端別以竹索

武定州志

七

自內旁出其高至數丈其長倍之凡用了夫數百移置

于卑薄之處謂之埽岸凡緣河諸州皆有埽棣州有聶

家按隄鋸牙陽城四埽今求其埽處俱不得獨所謂聶

為聶索或曰聶索是二家姓始未識此而曲為之說也

濟距州城南八十里而遙今名大清河其水自張秋分流

北經長清齊河至歷城而東經濟陽齊東入州境又東過

青城北濱州南蒲臺北利津東入海

沙河距州城南十里輿地記指爲馬頰河云按馬頰河在

商河北三十里故道從臨邑西南來東北經商河北過沙

河鎮至州南東去由桑落墅過陽信界東北至靈化盆河
會土河入海今積沙無水雨甚則桑落墅西南皆窪潦今
陽信城北二十五里蓋有頰河店云

鈞盤河距州城北二十里陽信境內故道從陵縣東南臨
邑西南來分而二其一由德平商河之間北行東北至陽
信城南二十里而斷有截河舖又東復續經靈化東南劉
家道口亦會土河入海其一由德平西北行經樂陵海豐
南過靈化北而東至久山鎮入海今陵縣東臨邑西有盤
河店云

武定州志

覆舖河距州城北八十五里海豐境內故道從陵縣西南
來北行東過樂陵南海豐北二十五里過馬谷山南潤國
場東北入海或疑此爲鈞盤一支云

高津河距州城西北百二十里樂陵境內故道從平原縣
西來北行東由德州吳橋寧津南皮境至樂陵北三十里
舊縣鎮南又東過慶雲南經海豐馬谷驢山之間東北至
海潤場大沽河口入海樂陵北十里有高津鄉

前志曰按九河故道

爲說人殊揣碣石爲證謂皆淪入海者程氏暨顧道元水
經也謂或新河載以舊名或一地立爲兩說皆似是而非
蔡九峯書注也夫禹時九河信不可得而知即今武定遠
邇求之其故道猶有可殷如此乃謂九河皆淪入海恐未

可為嚴論獨九峯謂新河載舊各一地
兩號者則容有之然亦無可于稽矣

大灣距州城西南四十五里廣十餘頃北有隄橫亘水深
不測甚旱不涸民嘗禱雨於此其水西南通臨邑八道河
西通商河河東通聶索河舊志曰成化間章丘山北突出
一泉人謂濟水之支伏流至此
而一出也夫濟水至章丘九十里而進至大灣四十
里而近用是以觀大灣亦濟水伏流而一出也明矣
白龍灣距古城東南一里大清河北岸有高隄橫亘一里
許蓋舊築以防清河決者

惠民溝距州城東南二十里溝南望徒駭河河溢北流于

黑窪瀆焉景泰中黑窪水遙侵州城乃謀開溝東北三里

武定州志

九

道黑窪于沙河民賴之因氏曰惠民溝

八方泊距州城北五里凡雨潦得西南之水遙自商河遙
南赴沙河鎮過李家庄經青陽店管家坊來注又東南得
州城濠之水濠水乃城之東西南三方雨潦所歸者北濠
惟下歸水又皆會焉溢出自關北三官廟前流于泊泊北

有水道達于截河過霑化北青泥溝入海按城濠水溢流
于泊此祥符間

徙城之水也今城濠水因三官廟前近起土堰不得即
流于泊泊水障于隄又不得達于截河嘉靖十三年甚南
水入州城北門十八年又大水深入北門城幾危幸兩息
而免夫天雨無量設不息柰之何詩云徹彼桑土思患預
防之功在今日誠
不可不蚤計也

窪十四有全家窪齊皮窪河柳樹窪寧家窪康家窪頭舖
窪孔家窪趙家窪楊里窪朱家窪廟王窪蕭家窪齊家窪
蒲窪外又楊家灣蓮花池者胥秋霖注潦處茲亦舉大較
耳前志曰地本庫隰兼之近世河道夷塞故多窪每遇恒
雨即諸窪經年積潦至乘舟而漁民往往流徙凡以水
利不講淤淺
無制故耳

論曰夫水一也善理者爲利不善理者害焉其在武
定無河海之災有旱澇之患秋水時至匯爲巨浸時
或恒暘又桔槔無術不得藉爲灌潤是以窪泊實魚
鱉之區原阜惟枯槁之市其何以衣食億萬口耶往
年惠民溝曾用疏導至今爲一方利若瀕河者逼窪
者咸襲其謀必有永利興乎其間庸詎知夫無有數
惠政者加意於茲今也哉

城池志第四

舊城歷有徙置今城初惟陽信之喬氏在宋大中祥符八
年徙崇寧元年始詔工部尚書牛保勳治甃袤周二十二里
崇三仞有三尺上闕丈餘基倍之東南西北門四各三重
中門不正出惟委外門額各有石鏡青肅明遠金景靖安
字內門有樓扁曰春風明遠景山紫薇度浚濠潴水有飛

橋有護城隄九年克績

按金史明昌五年都水監丞田擴因河決議水所經城邑作護城隄

正謂棣州等處舊志乃以隄為牛尚書作何也今姑因之

金大定十九年奉詔修厭次令仲山記記曰棣州在秦為

厭次歷漢屬平原至隋置州舊城在今城東南四十五里

隋州在舊陽信縣今東南舊城乃唐貞觀復置棣州于厭次縣處也仲山失攷至梁華溫琪為刺

史苦水患徙新州今南舊州是也今州郡處奉詔旨揆日

鳩工委縣司長分董其事取戶之上中且佐以軍隸刑徒

乃命幕府提振之以二十三年九月朔經始次年二月末

功畢前後一十二萬四千三百四十九工其人作勞之初

武定州志

十一

僉曰國家愛民未嘗一日任力于天下今城之功計甚小

而費寔大若不人倍其力以從役且何以如期襄此大事

哉况郭郭以興崇門以立我等所居必獲安妥此雖暫勞

可以永逸故興役之日雲屯霧合鼓舞謠歌不知其勞疲

至有持羊載酒樂犒其勤者不勸而自至負畚荷鍤願助

其役者不召而自來遂致崇墉屹就四門一新周回二萬

一千六百尺為地一十有二里不逾元期俄告就緒丕休

哉

明成化五年知州述弘治十四年知州永禎與千戶所分

修之州東西北三方所惟南正德六年兵備僉事達又大
修治之加舊十之五自爲記記曰太古民俗簡朴草衣土
室搏生咀華出作入息智巧不施惟欲寡則無爭惟無爭
則不待守而安矣及古往民欲滋長宅廬之外畫棟飛翬
布帛之外雕文刻縷菽粟之外山萌海鮮室家之外淫聲
豔態游觀之外劇藝翫好凡罔利于名誇多競麗類如此
欲多則奸出奸出則爭起爭起非守莫能一日安先王制
爲城郭以爲民守此亦理勢之必然者按武定志乃齊之
無棣歷漢唐沿革不一 皇明國初仍爲樂安州宣德始

更其名城厚而闢地亦廣大可以爲守惟歷歲月風雨流
潦城之四圍荐頽削池亦淤塞有蹊徑通行人四門東西
北三樓徒植土壁瓦矗如脫鱗簷廊如折骨空隙之處惟
包茅閉之南門無樓存一長鋪敞陋尤甚城上數小鋪草
覆土壘門內直房隙地皆侵爲民居污穢沓踏官軍莫可
守宿門外各二重城廢爲土隄守者恐爲賊階梯遂毀之
不慮因而修之爲險毀之功倍于修而又失其險也正德
壬申春賊執孔熾攻城屠邑俘生戮死民命靡爛極矣余
爲樂陵令有禦賊功蒙欽陞今職奉 勅整理武定等處